



PROGRAMA “VACACIÓNS EN PAZ” 2019

“CONVENIO DE COLABORACIÓN”

entre o

CONCELLO DE

e a Asociación

SOLIDARIEDADE GALEGA CO POBO SAHARAUI



CONVENIO DA ASOCIACIÓN SOLIDARIEDADE GALEGA CO POBO SAHARAUI CO CONCELLO DE AMES

REUNIDOS:

Dunha parte D^a. Maite Isla Avión, con DNI nº 35.544.300-P, en calidade de Presidenta da asociación Solidariedade Galega co Pobo Saharai, co CIF- G- 15924558.

De outra parte D./D^a. José M. Miñones Conde, con DNI nº 44.808.588B, en calidade de Alcalde/sa- Presidente/a do Excmo. Concello de Ames.

INTERVEÑEN:

En nome e representación das súas respectivas Institucións e recoñecéndose mutua e reciprocamente capacidade para obrigarse a subscribir o presente CONVENIO DE COLABORACIÓN entre ambas entidades.

EXPOÑEN:

As Vacacións en Paz preséntanse nun marco de solidariedade e axuda desinteresada co fin de propiciarlles unha estancia agradable e humanamente rica aos nenos e nenas saharauís. Este programa dá a coñecer formas distintas de vida, de maneira que iso contribúa, non so na súa formación, senón tamén en mellorar e potenciar a comunicación e o entendemento entre os nosos pobos e o Pobo Saharai.

Estes nenos naceron nos campamentos de refuxiados saharauís situados dende fai máis de 42 anos na zona da Hamada alxeriana en Tindouf, preto da fronteira alxeriano-saharai; é dicir, son fillos dos saharauís que abandonaron os seus fogares ante a represión, invasión e ocupación ilegal por parte de Marrocos do territorio do antigo Sáhara español en 1975. A vida destes nenos, nados no exilio, transcorre nas mesmas circunstancias que o resto da poboación saharai, privada do máis elemental e sobrevivindo dificilmente grazas á axuda internacional.

Dende o punto de vista afectivo, o Estado Español representa algo especial para os saharauís polos lazos históricos, culturais e humanos que nos unen. De feito, os saharauís pertencen á comunidade de hispanofalantes e aínda conservan con esmero o español como segundo idioma.

Tendo en conta:

PRIMEIRO: Que o presente Convenio ten por obxecto regula-lo desenvolvemento do programa "Vacacións en Paz 2019" durante os dous meses do verán (xullo e agosto) nos que nenos/as do pobo saharai estarán no Concello de Ames.

Os obxectivos deste Convenio serán os seguintes:

1. Garantilo seu dereito á saúde, realizando a tal fin os controis médicos pertinentes.
2. Garantilas necesidades fundamentais dos/as menores.
3. Asegurala súa integridade física e emocional.
4. Respectalas súas crenzas.



5. Favorecela súa integración no seu medio durante a súa estadía no noso país.
6. Respectalo marco legal dos dereitos dos menores, tendo en conta que xa teñen a súa familia no seu país coa que teñen que volver o remate das vacacións.
7. Garantilo regreso ó seu país coas súas familias.

Os obxectivos específicos do programa Vacacións en Paz serán:

1. Reivindicar o dereito dos nenos e nenas saharauis a vivir no Sáhara Occidental e poñer de manifesto a situación na que actualmente viven.
2. Facilitar asistencia médica e de alimentación.
3. Promover, entre a sociedade galega, os valores de tolerancia e solidariedade facilitando así a convivencia e integración de todas as persoas na comunidade.
4. Perfeccionar a aprendizaxe da lingua castelán e galega que estudan nos seus programas escolares.
5. Ofertar unha alternativa de ocio e tempo libre.
6. Evitar a súa estancia nos campamentos durante os meses de xullo e agosto por teren as temperaturas máis altas (máis de 50º á sombra).

SEGUNDO: O Concello de Ames responsabilizarase de:

1. En colaboración con SOLIDARIEDADE GALEGA CO POBO SAHARAUI, difundir o Programa Vacacións en Paz.
2. Financiamento dos billetes dos/as nenos/as.
3. O pagamento do proxecto "Vacacións en paz 2019" efectuarase antes do 30 de Abril do 2019.
Debido as dificultades do programa, todos os anos hai que contar cun 2% de incidencias, alleas o noso traballo, na chegada dos menores; por exemplo: nenos que a última hora enferman e non poden viaxar ou algún problema no traslado dende os Campamentos ao aeroporto de Tindouf. Os billetes, páganse íntegros con antelación a chegada dos menores, e tódolos Concellos deben asumir as prazas dos nenos que estean destinados a eses Concellos. Polo tanto non se fará a devolución dos billetes, posto que estes hai que pagalos igualmente.
4. Recepción no Concello e presenza na entrega dos/as nenos/as ás familias acolledoras.
5. Presenza no acto de despedida dos/as nenos/as.
6. Designar un técnico/a do Concello que levará o programa cos Responsables do Proxecto.

TERCEIRO: Que a asociación Solidariedade Galega co Pobo Saharai, RESPONSABILIZARSE de:

1. Facer un seguimento exhaustivo dos proxectos conxuntamente coa Delegación Saharai para Galicia para que todos os compromisos se cumpran.
2. A Asociación e a Delegación estarán a disposición dos concellos e das familias para asesoralos e axudar a resolver os problemas que podan xurdir.
3. A Asociación organizará unha Xuntanza de convivencia entre os nenos saharauis e as familias acolledoras.



ACORDAN:

PRIMEIRO: Establecelo presente Convenio de colaboración entre o Concello de Ames e a asociación Solidariedade Galega co Pobo Saharaui, en orde a unha mellor coordinación dos programas presentes e futuros a desenvolver, tendentes a propiciar a integración social dos menores Saharaus mentres dure a súa estancia en Galicia.

SEGUNDO: Os presentes comprométense a manter entre si un fluído intercambio de información en todos aqueles aspectos que indican na integración acollemento das nenas e nenos saharauis que visitan o Concello de Ames.

TERCEIRO: O ámbito de colaboración estará orientado preferentemente ós seguintes campos de actuación:

A apoiar o programa de Vacacións en Paz, evitando con esta viaxe que as nenas e nenos permanezan os meses de calor de xullo e agosto nos campamentos con temperaturas en ocasións de 50º, facilitar asistencia médica e de alimentación, colaborar con esta subvención a sufragar os pasaxes dos nenos e nenas acollidos no Concello de Ames.

Ademais desta subvención a facilitar as nenas e nenos que nos visitan a participación en alternativas de ocio e tempo libre.

A realizar polo Concello un acto recepción e despedida das nenas e nenos participantes do programa.

CUARTO: A contribución económica por parte do Concello de Ames para o programa "Vacacións en Paz 2019" para contribuír a sufragalos gastos derivados da súa execución, será polo importe dos billetes dos nenos/as que contan con familia acollidora no noso Concello, ata un máximo de 6. A Banca - ES40 2080 5056 13 3040034374.

QUINTO: A vixencia deste Convenio rematará o 30 de decembro, prorrogándose este para o ano seguinte de continuar o programa "Vacacións en Paz" no Concello de Ames e sempre que ambas partes estean de acordo.


Este convenio surtirá efecto dende a data de asinamento.

En proba de conformidade as partes asinan o presente Convenio en:

Ames, a 8 de febreiro de 2019



Asdo.: D^a. Maite Isla Avión
Presidenta de SOGAPS



Asdo.: D. José M. Miñones Conde
Alcalde-Presidente/a do Excmo. Concello de Ames